

四和

2008. 10. 4.
15:47. 始

抄錄

西湖志

沈瑜慶書

丙辰年六月福
建水利局排板

西湖志序

錢塘西湖之勝甲於天下李敏達公督浙延聘名流爲志以張之而名愈盛閩中多佳山水環城而立者岡連巒接如萬朵芙蓉向人而笑水自衆山奔流直下有洩而爲川者有瀦而爲湖者各盡邱壑之妙會城之西有水淵然而清是曰西湖世人或未盡知閩人亦澹漠視之徵諸記載惟舊有姚氏一志至今已不多見始歎山水之有資於志乘也開嘗下巴劉望瀟湘過齊魯經幽燕觀呂梁之滹涉太行之雪足跡所歷獨未至錢塘之西湖竊引爲恨事甲寅五月奉命按閩不意於瘴海之中而有所謂西湖者近在咫尺下車踰月造而訪焉則見夫漁舟浮水古寺倚山平橋臥波橫闌凝竊不知較之錢塘風景何似而萬頃湖光一天雲影洵足悅人心目第年久淤塞春夏雨降汙潦載途溢而成災民以爲苦秋冬水涸深不盈尺寂寞寒煙無人過問又未嘗不歎山川之有幸有不幸也因與林君惠亭籌畫水利從事開濬溝洫既通水不爲患湖波悠悠終日自碧復於樓閣之頽傾者修之道路之崎嶇者平之闢爲公園爲

西湖志 許序

郡人士遊眺地於是西湖之名稍稍出矣林君曰西湖之志軼故不能爭美錢塘請續修之以詔後人余聽其議卽屬林君延聘知名士主持其事閱二百八十日成書二十四卷視舊志增四之三既竣卽書其事以爲序

丙辰三月秋浦許世英書於榕城節署

西湖志

許序

西湖志序

吾鄉西湖舊有姚循義一志記載簡畧版字漫漶鄉先輩多以爲病思重脩之苦謀賁未逮甲寅冬炳章承乏水利局既以地方公歛籌濬西湖增築公園工巖之日巡按使許公畀美餘以修湖志迺延何君梅生振岱爲總纂林渭如師尙龔惕庵乾義林雪舟宗澤陳澤觀鳴則葉伯璉心炯諸君分任纂輯陳益卿謙躬采訪周郁如愈圖畫名勝數君者昕夕從事勛勛不倦裁九閱月脫稿視舊志增四分之三以付手民書成爲叙緣起以告邦人君子至志中體例有秉筆者言之不復贅焉丙辰四月里人林炳章謹書

西湖志

林序

西湖志序

西湖鑿於晉派於五代而始濬於宋代遠年湮紀載缺簡所謂某時尙存十餘里某時僅存六七里者前人亦第約畧言之不能實詳其數顧惟後小於前爲可斷言耳湖之小也非一時一事莫甚於劃爲魚塘圍圃民擅占墾而官受其徵稅官湖官地化爲私產斯一尺一寸不復返於湖久且胥全湖而陸之東南二湖是其明徵西湖至今猶得四五里存者幸爾其故在無專書博紀利弊黠民隱匿畧畛莫之或稽坐致秀壤成蕪豐歲轉

西湖志

何序

歎沿湖堂宇並因傾頽而振衰舉廢時無其人湖益以蹙是故志乘之作蒐故勗今以講地方之利誠有不容已者歟趙忠定興垂廢之湖僅記湖間丈尺未暇旁及明人述西湖事蹟雜載佗書中無單行之帙至清乾隆間浮梁姚氏作志於是湖始有志其錄明以來濬湖文案具備而所志佗類迺皆簡畧予謂志詳繇洩之利而敘述景物盡其妍麗正不可少夫謂湖爲水利不爲游觀立言甚正惡知湖至不足以游觀將又何水利之可言事固有須本末兼舉者故昔賢治湖並修廢祀復名

蹟寧味大體而汲汲爲游觀謀良欲增美湖山俾名流

萃集有觴詠流連不忍舍去之心廼思保此土而永之

肯聽豪猾恣意侵削耶聞有水晶宮宋有澄瀾閣陸莊

明有薛家園池清黃任重葺宛在堂林文忠建李忠定

祠修荷亭桂齋本意或不盡爲湖而爲益於湖終甚大

此其作用亦不可不知矣湖自道光後失修近歲邦人

議濬巡按許公使林君炳章治之兼建園亭湖上工巖

以姚氏志屬予重修予營家城西久與湖習一邱一壑

猶能數之昔之所致慨於湖者今則寡矣所期以爲當

西湖志

何序

二

如是者亦時如吾意樂其有今而望後之常如是也迺取姚志分析類葺得十四門都二十四卷後之覽者其有所考焉同纂者林師尙葉心炯林宗澤三人翼乾義陳鳴則襄助俱有力陳謙躬採訪圖寫名勝則周愈也始乙卯孟夏迄季冬凡九閱月三山何振岱謹序

西湖志

凡例

一西湖向無專志散見於宋明人撰述者僅存概略通志府志采摭亦簡清乾隆中知候官縣姚循義乃創爲之所收歷代濬湖文案講水利者資考鏡焉其餘各門篇目彙次多有未安故實蒐稽亦殊弗備茲以濬湖告戢不可無所紀載以視後來因取姚志重加釐訂姚志所有分類錄存所無則增補之志原有體求符志體而已專爲西湖而作故

西湖志 凡例

仍名之曰西湖志

一湖自道光以後又數十年未經濬治今者大興畝鋪百廢俱舉所有籌費鳩工興利革弊公牘之外更列圖表丈估出納纖悉無遺凡以留治湖之蹟待紹於將來故詳益求詳不厭繁密東湖南湖雖不復存其始末亦附載焉

一山川勝境必有名之者而勝乃益勝西湖自徐氏幔亭創題八景各系以詩於是湖山之勝人得因所名名之而實有未盡者茲迺增圖八景分綴名

作以標勝概合之總圖共二十三圖圖爲一說俾覽者有所稽尋焉

一姚志據文錯雜令閱者於某水某山東西向背迷謬不明今於山水渠浦園亭祠廟之屬悉爲分路曰湖中路曰湖西北路曰湖西路曰湖南路曰湖東北路其在郡城以內者則增郡西北一路依路序次庶幾一覽昭然

一環湖諸山及附近之井泉池沼皆從登載其有距湖稍遠而實與湖相屬者例得牽連並書蓋以全

西湖志 凡例

湖之水源出於西北山故搜羅必及之也

一淳熙三山志所載湖旁浦道代有更易然皆爲導水灌田之處考水利者所不能遺西北兩水關引湖水入內濠匯流趨直瀆新港而至于江故志渠浦又必兼及城濠以見湖之與潮汐相通者其流甚長而橋梁堰閘並以次類及焉

一昔賢治湖必兼治園亭其命意蓋有所在近日湖塼樓閣碁布星羅有闢地新構者有就前人遺址重葺而新之者故卽未及修而址猶存仍從臆載

而以名人第宅附焉

一生而有功德於民沒則祀之自古廟食之典非可濫邀然前人以崇德報功而祀之者後人坐視墜廢又從而蔑瀆之風俗之澆卽人心之害湖上祠廟有巍然存者自應備書卽已經傾圯亦謹考其故址及禋祀之所絲輿以俟好事君子起而重新之

一湖山寺觀創建多在數百年前垂廢復興者固多有雖廢而靈蹤異蹟猶在人耳目閒者亦皆可紀

西湖志 凡例

三

幽人雅士訪道譚禪正不以時剝盛衰而意存軒輊也

一古蹟之在越山前後者舊皆與湖毗連自王氏遷城截山之半而內外始劃然分矣今於瀕湖各路搜稽分載之外增載郡西北路以紀城中古蹟蓋雖地勢變遷而不忍湮沒之矣

一歷代治湖有功者皆臚其事蹟而爲之傳然名賢巨公道尊望隆雖不以疏濬著勞而湖山正因之以增色外此騷人墨客芳躅留遺卽非閩人亦從

敘述而方外之有聲稱者類及焉

一名人塚墓只系姓氏爵里著述及生卒卜葬年月其有行述墓銘碑傳則摘取附之凡以功德在人理宜彰顯無是者闕之

一前賢石刻剝蝕已多而眞蹟留存足資考證者尙亦不少博稽往籍益以拓摹雖零磚廢瓦斷石殘金亦備搜之以爲稽古之助

一前史藝文僅載目錄後來方志乃采詩文吾閩著述有屬西湖典故者雖卷帙無多特爲載其篇目

西湖志 凡例

四

卷數詳明書中要旨至文賦詩詞各門無可分隸者迺分別詮次而具載之於本門兼存並收凡以防闕遺而已

一各類事蹟有無所歸附而又足爲文獻之徵不忍獨棄者別爲一類而名之曰志餘太康以後五代之前西北街一帶莫非湖址則凡湖水所經之處遺聞軼事湖得而賅之悉彙載以爲外紀焉

西湖志總目

卷一

水利

卷二

水利

卷三

水利

卷四

水利 增表

西湖志 總目

卷五

名勝

卷六

山水

卷七

渠浦 增橋渡隄堰開墾墳

卷八

祠廟

卷九

寺觀

卷十

園亭 增第宅

卷十一

古蹟

卷十二

古蹟

卷十三

人物 名宦

西湖志 總目

卷十四

人物 名賢 增方外

卷十五

塚墓

卷十六

塚墓 增塔

卷十七

碑碣

卷十八

碑碣 附鐘鼎彝器

卷十九

藝文 書目

卷二十

藝文 雜文

卷二十一

藝文 詩

卷二十二

藝文 詩 增竹枝詞權歌曲話詩餘

西湖志

總目

三

卷二十三

志餘

卷二十四

外紀

西湖志卷一

水利一

西湖晉太康初開鑿諸西北諸山之水灌溉民田同時並鑿東湖至唐又鑿南湖自東南二湖先後堙廢西湖之通塞尤關農畝之豐荒今茲鉅餉呈功蓄洩有賴用著開濬始末於篇俾後之司疏導者有所考焉志水利

西湖志

卷一

水利

晉太康三年郡守嚴高既拓舊城同時並鑿東西二湖潞水灌田東湖久堙西湖屢經開濬猶存晉時遺址今西門外西湖是也元和郡縣志閩縣西湖在縣西二里淳熙三山志舊記西湖在州西三里蓄水成湖可蔭民田閩時又益廣之迤邐南流接城西大濠直通南蓮池父老相傳閩時湖周圍十餘里築室其上號水晶宮閩書西湖晉嚴高所鑿蓄洩灌民田周圍十數里王審知時大之至四十餘里後漸堙閩都記晉安有東西二湖晉太康三年置郡詔治閩越故城太守嚴高病治城狹隘以圖咨郭璞徙今子城坊城外鑿東西二湖周廻各

二十里引東北諸山溪水注於西湖二湖與閩海
潮汐通所溉不可勝紀又云西湖始鑿沿於城外
原注今定遺浩無際涯唐天復元年王審知於子
橋爲舊城濠城外環築羅城梁開平元年審知又築南北夾城
湖漸堙塞自迎仙門至遺愛門所存僅十之三福
州濬湖事畧郡東南際海潮汐吐納西南則受上
游之水由南臺洪塘會馬江以入海惟西北傳城
諸山之水無所歸蓄倚西湖爲水櫃浸久不治旱
澇失備此言水利者所宜急也

西湖志

卷一

水利

東湖

東湖 淳熙三山志舊記東湖在州東北周二十
三里晉嚴高築城日與西湖同時開鑿今盡堙塞
爲民田慶歷中作記只曰漸堙塞是猶有湖也又
云舊記云舊渠一支自嚴勝門通湖西至遺愛門
四面皆設壕塹憑高望之如小蓬瀛是亦言其大
概耳未必直抵遺愛門也閩時嘗穿龍腰術家以
爲主山蜂腰之脈竟不敢而罷所謂至遺愛門者
諒第抵龍腰而止今自石泉西折至龍腰之東皆

爲民田又云自新橋立東走者免百步之迂然北
山七十里之水會於澳橋之北駐而後進行未百
步復逡巡於是橋之下時潦暴至尾洩不逮東湖
數十里田畝莽爲水病由此故也今考舊記則不
然東湖自晉開鑿正欲受北山之水民自湮塞以
爲田豈橋之罪哉又云懷安縣承食東湖水利民
田七千九十四畝又云嘉祐二年郡守蔡襄從樂
遊橋開沿城外河至湯門琴亭湖心至北嶺下去
思橋北出河尾船塢散入港北小浦中浦石泉安

西湖志

卷一

水利

三

國以北知縣樊紀復作橋十三曰濕堙塹北小浦
中浦湖心琴亭越塘龍腰後溪桑畚嶺下范溪瀨
溪閩書龍腰山下有水源接東湖之壩與潮汐通
相傳昔嘗欲鑿之以通西湖往往畫鑿夜合俗云
龍腰也閩都記東北諸山溪水注於東湖宋慶歷
中東湖漸塞至淳熙間則漸爲民田浮倉山昔在
水中央今周遭皆田東北諸鄉至今猶有湖塹之
號浮倉之西尙呼爲湖前亭云又云嘉祐二年蔡
襄復古五塘左海文集五塘即東湖地以溉民田乾隆福州府

志當時湖雖漸涇有渠引水故旱澇可以無虞今縱不能盡復全湖急取蔡忠惠所鑿近湖渠而濬深之亦灌溉之資也姚循義舊志忠惠復古五塘則五塘不始於忠惠可知今五塘所在堙沒各志俱未載明處所無從稽考但就三山志所載從樂遊橋開起樂遊橋卽行春門外今東門城壕也自此抵湯門直至北嶺下首尾分明龍腰湖心琴亭諸處皆濱東湖里數最長井北二門良田萬頃咸資灌溉自堙塞後北自湖前品石賢沙又北自赤

橋新店又東北自桑畬俗呼湯城范溪一帶溪流皆無所歸宿水發則苦漲淺則憂旱此近郭水利之最大也又云東南湖涇久矣五塘與東湖相表裏亦堙但南湖雖塞而柳橋一港通河通江尙資灌溉而直北白蓮花峯北嶺長箕嶺昇山鳳池賢沙數十里溪澗無所歸宿每逢淫雨則淹爲澤國偶遭亢旱則涓滴無資此井北二門農民所爲輟耕太息也今縱廬井周密不能清復故址但現在附近河流先爲疏濬使少有停蓄亦補偏一道也

道光福建通志東北河渠道光八年總督孫爾準巡撫韓克均開濬按東北河渠分爲經流者二歧爲支流者三湯門之水自城南直瀆新港徑水部門東門繞城屈曲至湯門浮橋合金湯橋水又北至長壽橋右旋入羅漢灣旁有小汊港二曰龍皇曰貓墜繞達溝漚又至頭塘二塘三塘菱角塘上洋村下洋村二村之流合名胭脂塘是爲五塘又至水頭村界居人稱爲東湖又至湖頭橋有湖頭井古蹟字漫漶不可讀又至斗門橋西流分入斗

門村至水頭開司閘者以時啟閉備旱澇又至壩尾橋河身淺窄淤土漸高又至長銳浦坊兜塘又至鶴猪橋土沙久積若崇墉然自是以上崎山浦厚山河無以資灌溉矣爲一大支湯水關接城中澳橋古去思橋也由水關至潘厝橋東流與湯門長壽橋之潮合潘厝橋北至河尾橋護城濠也今悉爲民居河尾橋繞而東至湯邊村內埧橋又至三汊港廻環至湯邊外埧橋逆流上溯東匯於湯門羅漢灣由外埧橋順流北行至境後浦達模

兜東橋又至長洋橋竹纜橋河流漸堙又至思兒亭橋閩都記所謂四明亭也橋旁土壩口承長箕嶺之衝沙土日壅近村以爲患又至蓮池右旋至馬頭池池旁有葫蘆池七星池之一也不通潮汐然蓄水亦足資灌溉又土壩口左旋入湖前浦地有湖前井石刻宋淳熙丁酉造稍北卽古安國寺在鎮海樓左側三山志云蔡忠惠開沿城外河自去思橋達安國寺以北是也潮窮於此爲一大支由湖頭井至西園村白連橋橋旁石塔明天啟

造又至琴亭下橋白花六角亭橋又至鋪前河琴亭村爲來宜鋪父老云此地本鑿山通渠河勢高仰得水爲艱又至琴亭橋窮於羅漢山之陰爲旁支之一由湖頭橋至湖壙中橋又至小橋中橋分支至玄帝橋又至石橋又至第二石橋又至模兜湖壙分界橋橋北直上至斗門河又二百餘丈達思兒亭土壩口爲旁支之二由水頭斗門分界橋過斗門閘至雙堤橋河流環入斗門西橋至鳳山浦卽白連浦本稱東嶼東嶼東湖島嶼也爲

旁支之三

南湖塘

南湖（淳熙三山志）在州西南閩王築南月城因設大壕百五十步後爲蓮池宣和五年榜曰南湖今多湮爲田矣（劉克莊清河記）今南湖半爲菱池蓄洩無所田失灌注安撫趙公使各寺分濬之計四十四丈閩都記唐貞元十一年觀察使王翊闢城西南五里爲湖二百四十步接西湖之水灌於東南今柳橋是也（又云）南湖之塞不知何時其始

開迤北有港與西湖通漸爲民廬舍園池今唐公祠前有石橋西外石街有熊兵泥門二橋猶巍然平陸中皆湖渠遺蹟

歷代開濬始末

宋皇祐四年郡守曹穎叔留心水利修築西湖（淳熙三山志）皇祐四年七月曹穎叔以刑部郎中天章閣待制知福州（萬歷福州府志）曹穎叔修築西湖未就（道光福建通志）曹穎叔知福州留心水利修濬湖浦

嘉祐熙寧間郡守蔡襄程師孟相繼修治西湖興復水利閩都記嘉祐二年蔡襄有意濬治西湖未果乃疏導渠浦六十有九以興水利淳熙三山志熙寧元年程師孟以光祿卿直昭文閣知福州萬歷福州府志蔡襄程師孟漸次修築西湖未就

淳熙十年郡守趙汝愚以西湖久堙奏請開濬淳熙三山志淳熙九年趙汝愚以集英殿修撰知福州奏請興復開濬朝廷從之今盡復舊制公奏曰契勘本州原有西湖在城西三里迤邐並城南流接

西湖志

卷一

水利

八

大壕通南湖諸蓄水澤灌溉民田事載閩中記甚詳父老相傳舊時湖周回十數里天時旱暵則發其所聚高田無乾涸之憂時雨泛漲則泄而歸浦卑田無滄浸之患民不知旱澇而享豐年之利後來人戶貪緣請射歲納些小課利謂之池戶官中但見其絲毫之入而不知其爲民戶永遠之害歲月寢久填淤殆盡各立封畛以爲己物或塞爲魚塘或築成園囿甚至於違法立券相售如租業然西湖南湖不復相通而古人積水利民之地盡爲

豪民猾戶所有雖潮水不住往來而上下阻隔無由通濟臣照得本州地狹民貧全仰歲事豐登田疇廣殖小有荒歉難以枝梧况田並湖彌望盡是負郭良田自從水源障塞之後稍遇旱乾則西北一帶高田凡數萬畝皆無從得水至春夏之交積雨霖淫則東南一帶低田發泄遲滯皆成巨浸致使一方人戶白納稅租而所謂池戶公然坐享重利第以圭撮稍入其爲利害大不相侔矣今來若不申明則誠恐向後轉更堙廢難以興復

西湖志

卷一

水利

九

並湖之開高六尺長二丈四尺板二重各五片高五尺長一丈一尺五寸開元寺看管 第四開高六尺長二丈三尺板二重各五片高四尺五寸長九尺安國寺看管 第五開高六尺五寸長三丈五尺板二重各四片高四尺長一丈七尺東禪寺看管

右五開各以板數爲準瀘水灌溉常宜扁鎖不可妄啟惟大潮候日初三十八遇有小舟乘載往來聽啟開一次

一鳳池橋堰一座高五尺長二丈四尺遇上斗池
涸竭聽民戶從便車湖水入池以助灌溉

一西湖巡鋪屋三所鳳池橋龍潭三橋每所差延
祥寨兵士四人守宿十日一替近湖居民以農爲
業並不許置捕魚網具

一西湖新買官池砧基簿十本內四本藏之本州
及三縣架閣庫六本藏之雪峯鼓山東禪西禪支
提寺紫極宮常住永遠照用

一三縣承食水利民田總計一萬四千四百五畝

西湖志

卷一

水利

十

西湖閩縣三千五百九十八畝 侯官縣一千
六百八十三畝 懷安縣二千三十畝 東湖懷
安縣七千九十四畝

一浦三道鳳池橋浦闊一丈五尺 道士洋官亭

下浦闊五尺 道士洋房廊屋後浦闊一丈七尺

右係引水灌田之處各有水窗禁魚出入閩書

西城舊有湖溉民田數萬畝後爲豪猾壅塞宋待

制趙公汝愚力請開濬至今利焉

明萬歷五年按察使徐中行復西湖侵地乾隆福建

通志萬歷初城西濱湖隙地沒於豪右水利壅塞
按察使徐中行令復之捐俸創閘築堤閩人爲祀
於西湖之旁

萬歷十六年知府江鐸改西門外迎仙橋舊閘爲壩
以蓄湖水旋爲奸民壅塞閩都記郡守江鐸以會
城西北水部湯門四關引江湖湖水衆流吐納繞
旋邇來淤塞北關湖水不得入河西湯水部三關
雖通河而淺涸潮汐無幾舟楫阻滯西河迎仙橋
下有港接西水關及江河在西南者當春夏月建

西湖志

卷一

水利

十一

開蓄水秋冬決放湖高河低洪流入江不可復反
濱湖數十里莫資灌溉乃開北關修建西湯水部
各閘引諸水入河又改西門迎仙橋舊閘爲壩以
蓄湖水毋令決放自茲舊制興復水利無壅邇年
復議塞殊爲民患司地方者願如江公可也

萬歷三十六年提學僉事熊尙文禁民占佃歸湖利
於學宮而借學租以定稅乾隆福建通志熊尙文
禁民佔佃議歸湖之利於學宮而貸學租以完湖
稅令民悉反侵地惜行之未久公去而佔復如故

矣道光福建通志熊尙文禁民佔佃及尙文移任
奸民復假里排輪佃增其稅以資公費

萬歷四十年按察使陳邦瞻立議以湖歸官以湖利
歸民副使李思誠與侯官縣知縣金元嘉合議捐
俸建開盡豁湖糧乾隆福建通志陳邦瞻議以湖
歸官以湖利歸民而捐本司公費以完湖糧姚循
義舊志副使李思誠捐俸建開盡豁湖糧俾澤梁
無禁民甚便之

李思誠重修福州西湖開記
福州之西湖為湖十數里接北關通南港蓄水溉田計一萬五

西湖志卷一水利

十二

千餘畝清於晉之太康溼於五季復於宋則趙忠定之功也
予奉勅來視水利則久為豪右所據種魚以牟利矣詭名受
稅奄而有之致啓閉不時蓄洩失度閭閻地入春多雨當春
方興之時而水且溢入不勝湧之災至夏苦旱當枯槁欲
施之時而水且涸入不勝涸之災至夏苦旱當枯槁欲
明守杭皆疏鑿以垂永遠乃千百年古蹟為萬姓所仰賴者
竟厄於狐鼠之輩而廢不講令嗷嗷之憂早湧也豈不惜哉
熊思誠泊陳匡左二公相繼拯其比去而侵閼如故予
給具贖行之議改里排輪佃夫里排豪強之隱名也議增稅
方尋春耕事良迫因建費屬陳幕史日夜併工修南北二閘
而合議舊所輸泉司費銀一十七兩有奇悉與捐除以湖歸
官以湖利歸民即諸豪臨湖之羨難藉口矣比告竣而復
且之山林川澤之利弛以與民王制昭昭何食此小利為語云

與利莫若公去害莫若盡護勒
此以告後之來者其許我否

崇禎八年郡紳孫昌裔呈請重濬西湖巡撫沈猶龍
水利道章自炳主其議在籍工部右侍郎董應舉
廣西副使曹學佺相與開濬董應舉賀章公擢任
潭南道序署西湖湯斜新港關於省城風氣積十
餘年相伏莫敢發諸孝廉以告公立為開濬符下
署海防黃丞視湖蓋朝報命而夕擴清矣士民觀
者無不呼躍稱快全閩明詩傳曹學佺曾與董應
舉議塞龍腰於侯官城北七十里潘渡創立橋梁

西湖志卷一水利

十三

濬福州傅城河開濬西湖

孫昌裔上中丞潘西湖啓
為興復會城形勝所疏濬新工以煥人文以裨水利事
閩越山川所萃雖屬造設之奇文章風氣攸關尤藉作興之
力自昔常懷明德而今更仗鴻恩竊見海邦舊稱澤國名勝
昭然耳目親聞飛鴻於孤洲鷗鷺棲臺雲霧中何異重
樹峰巒與水晶宮殿波裏非由巨壑驅來四圍山勢芙蓉煙
當偏霸之雄佳麗為全閩之冠時代移而滄桑未改棧題朽
而邱壘猶存迨有宋趙丞相立議疏湖愛拓先年之址盤桓
明汪郡守捐貲復寺仍標開化之名歲月曾未幾何俯仰又
成陳迹野花黃蝶自領春風菱唱漁歌尚聞夜月近探堪輿
之衆議謂此地正當巽隅逢合逢掖之象謀就昔基鼎新甲
垣左鼓右旗飛閣流丹紅日近窗開八面登臨盡納湖光軒
窗百尋呼吸可通帝座兼以鳳岡對峙九苞鳴翮翽之聲

況復鳥石平臨雲塔映層層之彩筆似此波瀾澄澈洵爲蛟
龍蟠踞之區若云境界空明九矣奎壁昭回之象惟是周遭蛟
泉距能遠及茲來登岸得如初抑且拈據莫湊於單微九似
玉燦日光一代重昌紫之望文經武庫萬邦靈吉甫之賦以
衡以道育中州羅麟鳳而記圖書海內共宗其模範抗疏以
匡扶正氣炳日星而光河嶽哀亦注其姓名光左史右圖
臨觀察春生秋肅灑八閩之惠露花宇皆戴二天左史右圖
携兩袖之清風執尤銳意興除凡民困憊吐握於名下英秀
慶人師之幸遇下天運之將回伏祈特主勝因俯成盛事俾
新工或竟蘭桂棟宇增輪奐之輝更舊蹟不涇花塢柳堤
益綴清暉之韶塘開一鑑任天光雲影之徘徊并聚五星與
斗氣台垣而炳耀庶此日道南之淵源不墜文章理學仍紹
之鉅美之真傳冀他時湖西之桃李成陰詞賦風猷遠播白蘇

崇禎八年二月福防廳黃勸語
勸得會城之有西湖乃通省氣運之所關也以形勢言左河

西湖志

卷一 水利

十四

以右湖合襟交會血脈宜通不可壅也以民事言東南萬畝藉
以灌溉農業尤繫不可塞也以文運言西崑之地翰墨屬焉
波瀾成章不可涸也遠稽府志近聞父老本體原自廣大而
今漸迫狹者其弊有二焉一則種園之人漸加填塞廣埃積
土逐日鋪開朝蔽一寸夕蔽一丈圍池日狹植蘆有限
之數猶可言也一則勢豪之家強謀割地日狹植蘆有限
浸微柳下蔽土蘆下不加泥町畦一成即所謂私塘七雄割據周室
潘夫城下馬道無取租之理西湖之類也據其口稱納都司之
稅徵應銷此賣柴備耳易爲力也如林標錦林茂桂股少陳
長冕張叔卿等皆植柳栽蘆以成割據之類也林百戶自顧
替還林茂桂等九人輒以民田挑鑿曾經納糧爲詞夫西湖
馬道并無田畝田從何來高者官城低者官湖豈有民業西
入此中借田有之則負郭之產莫近水便可稱膏腴池何故
塘掘田成池土無消處堤必高峻何以平坦下鑿池恐崩
城垣必預告昭昭據官湖在此萬不通之說若納糧腳一節正
是奸棍護身之計割據官湖必在此萬不通之說若納糧腳一節始

種難容此通府之士庶皆恃所以合調而本諸也今違憲撤
底清查取朝廷故物完之朝廷依面而本諸也今違憲撤
而活農得水而疏湖破舊則疏湖而寬可無伏莽之虞水廣則生
息廣大濟網罟之困其百世之利萬姓之利亦不啻手受而然
猶有怨焉糧者易升而難除者也諸犯爲弊受糧今塘三學
也諸犯積漸相仍非一朝一夕之故追尋湖弊若復追則利去
而害又隨必多堅迷已往之罪案姑付之已往勿謂其侵佔
勿追其花利如悔過者一切免究負固不服者聽鳴鼓攻之
則法寬而人易從矣此二者又法外之仁所謂留奸人在餘
地也九人之中惟林標錦林茂桂局而最廣蓋樹亦多是在
憲裁

崇禎八年二月水利道章告示

西湖志

卷一 水利

十五

爲清查水利以明基址事照得省城西一帶高山環繞河
道不通原闢西湖積水以防旱潦以灌閭閻中靈氣貫民生文
運所由賴也周圍限址俱載郡志業豐或碑界毋容侵佔訪
邇來有等奸豪射利或侵地搭構亭榭或填砌容侵佔訪
痛恨本道職司水利已輕示諭去後而奸頑猶然不悛殊佔
如故合再申飭爲此除行軍館清池等項通限五日居民保
人等知悉凡有侵佔西湖行軍館清池等項通限五日居民保
折卸敢有不遵該館解究決不輕
貨特示崇禎八年二月十二日給

西湖志卷二

水利二

清康熙六年紳衿陳丹赤鄭開極高宮等呈請清復

西湖福州知府李仲顥具詳福州道及藩院由道

飭毀侵佔湖地屋舍清復舊址

康熙六年六月紳衿陳丹赤等公呈具余呈福州府屬鄉紳陳丹赤等公呈等貢生陳五等生員鄭衍祖袁兆乾趙謨等為官湖之割據愈橫省會之傷害日深愈劇祖憲威嚴限清復以全舊制以慰輿情事竊以省會形勝關係全閩古四而志猶載周廻十數里時既三邑民田一萬五千餘畝嗣後創於豪右萬歷四十等年始得以湖歸官以湖利歸民而積弊潛滋澤梁無禁

西湖志卷二 水利

天啓崇禎等年又經大創追設立碑立案班班可考邇來奸棍橫行無忌或糞草堆積而溷為園圃或砌堤作岸而截為池塘以致傷害迭應災沴頻仍是以龍腰起伏之處左河右湖北取金生水滋養護城龍脈是以前方導官貴人動輒多故而非旋繞紫衛近為侵佔水源壅滯致尊官貴人動輒多故而非全賴此湖諸水灌溉近為侵佔則枯槁絕望賦稅安出民苦旱魃之災官受考成之累其害二東兩依山踞險城垣高巍西北平坦倚湖為天塹實此城池重地近為侵佔半填實地半築堤防外攻有恃內患堪虞其害三西北屬奎壁之方舊立水晶宮澄湖蓋以湖光掩映壁水奎水宿星相生是以人文鼎盛素稱海濱鄒魯近為侵佔序序之禍殘日甚斯文之困厄難堪其害四湖中魚蝦之利向與貧民朝夕取給私全萬命況今遷徙流民更需糊口近為侵佔則公物徒飽私私棄棄哭而恣獨肥瘠強之結憂無厭窮民之賦與地日促其害五丹赤等居同梓里情切杞憂實為國家糧賦與地方利害起見全仗公祖為國固圉設法澈底究查立限清復庶幾通詳藩院嚴督防刑二廳協辦設法澈底究查立限清復庶幾通

湯得以永奠而官民同享福基矣

康熙六年七月福州府李親臨踏勘看語

看得會城右畔舊有西湖蓋通省之形勝也相傳王閻時周

開清廢野屢闢誌載甚詳蓋西兌主金惟火得火之氣以遂

其清虛之性故論藝有文明之盛南離主火惟火得火之氣以遂

以伏其燥烈之威故闢無回祿之災此則占侯之說所鑒

鑒不爽者至於深溝高壘以固封疆枯槁灌溉以備旱潦網

罟魚蝦以資窮困尤為切近精實之務其如良法美意日久

弊生有乘墮塞之區而結為窟穴者有資清澹之便而圖作

魚池者湖之創也滋甚將見奎宿無靈祀告散者日履荒蕪

火積薪之虞焉此陳鄭高諸紳所以率士民而有清復舊址

之請也卑府奉憲批查隨即親勘湖岸周迴審視細思因循

為姑息之惠契無微不作乃久之官視之若罔聞民視之若

一紙之書聖世必有非常之人而後可以行非常之事合無仰請

不得專一家之私利以贖通國之禍胎語云非常之事合無仰請

權為重世必有非常之人而後可以行非常之事合無仰請

大張告示法在必行卑府親行查勘委屬侵佔理應折毀還

湖者則有迎恩舖官路一帶玉虛殿左右併棚廟一派開化

寺道士洋大城樓邊并大樓一舖起至三舖官溝止又北門

外往官路邊一帶炮臺下等處皆實係侵佔又有屢經審折

而復佔者除另冊具詳外限以二十日之內有屋者聽其折

西湖志卷二 水利

復舊觀引湖水入河以通河道則金湯有磐石之安而子衿黎庶亦共享無窮之福矣

康熙六年七月福州府李親臨踏勘看語

看得會城西門外有西湖舊址自西環城往北計十數里許

所產魚蝦經開濬因以不為會城設險且漸淤百餘頃田地而

南日久燥烈之氣兆西金文明之象亦理數之有可信者奈相

傳日久間多乘機侵佔案舍其傍或因其地勢而圍砌為魚

池者或因其墮塞而不實填為菜園者以公物而專為己物以

致湖水之損創滋多不惟有礙于城池設險之形勝而且缺

陷堪輿象絕小民資生之活計故通省紳衿有清查折故址之

請本道業經親詣小民資生之活計故通省紳衿有清查折故址之

而果被侵佔者悉應照舊開闢二十日之內無論屋地
圖盡行折毀倘有隱匿不報者大觀誠有裨金湯并士庶之幸利固
不少也間有一二以經報有錢糧藉口相應行縣改除可矣
今將該府勘過應折園池屋舍開列數冊現在合就通詳伏
乞照詳
施行

康熙二十二年總督姚啟聖巡撫金鉉議濬西湖不
果四十二年九月總督金世榮巡撫梅鋐重濬四
十四年世榮會巡撫李斯義及布政使高緝睿飭
府縣照圖冊存案以防淤占福州濬湖事署總督
姚啟聖巡撫金鉉議濬西湖後因改造洪山橋易
木植以石梁濬湖之議遂不果

西湖志

卷二

水利

三

康熙四十四年布政司高詳請濬復西湖文曰深余額天恩
福建布政使司為官湖估塞愈甚田疇傷害日深余額天恩
清復以疏水利以救農命事奉總督批據西北關外鄉農吳
俊慶初輝陳鳴宇等呈稱西北郊外田地背山處高別無溪
河港道湖自一帶代開濟西湖周圍十數里制置湖湫小浦以
防旱澇湖西北一帶特為天塹陡遇山水漲溢則開湖通洩秧
苗不致淹沒天時亢旱則車水滋潤田禾免致枯焦灌漑民
田萬餘頃歷朝久遠旋旋估復案據康熙六年通城鄉紳陳丹
備載昭然歷復折久遠旋旋估復案據康熙六年通城鄉紳陳丹
赤等會呈清復折久遠旋旋估復案據康熙六年通城鄉紳陳丹
意鄉紳蔡其好民林能任吳三三林君茂何啓升方一嚴城
一城林五郭達生游龍陳成嘉徐兆宗李可明吳四王全全
業較之原估湖塞更多侵出數倍車水道口盡已欄截以致
官湖日促水淺易涸可憐終歲耕田之農夫際遇旱澇之年
半籌莫展坐視遍野蒿萊鄉農陷絕粒之慘業主累賦賠之年

西湖志

卷二

水利

四

映南離連因苦鄰國難繪湖西會風水更爲切要登瀛之水以
伏南離連因苦鄰國難繪湖西會風水更爲切要登瀛之水以
制侵佔近又湖之側也滋甚勾引等制沙人棄洗泥堆積便於
日清復則西北鄉農相率引領以待命者不幾填塞殆盡計
思因循估則不遇姑息之小恩擬以作清復者不幾填塞殆盡計
幸逢節鉞天南星宿爲國生喜沛甘霖萬民欣沾河潤依
舊案力行清復折毀湖堤永禁不特等西北鄉農舉
家頂祝即通城數萬生民咸沐鴻仁通湖等西北鄉農舉
奕讚矣等情本司查得西湖鑿自晉代不特等西北鄉農舉
實爲會城金湯且坐落奎壁之方湖光掩映制南方以資灌溉
氣兆西金文明之象其有關於形勢民瘼匪淺也湖因奸
豪網利侵佔填塞或作田園或造宅舍或鑿魚池而湖之侵
削也日甚難歷來撫茲土者屢議清復然旋旋旋止迄無成
功茲幸督憲節鉞閱茲土者屢議清復然旋旋旋止迄無成
熙四十二年九月興工不逾年而告竣此誠萬世之利而不
朽之功也然又恐日深時遠仍湮沒於奸民豪右之行將湖
邊之地丈明八至界所繪圖勢以垂久遠通即親督侯官
縣丈量湖岸自荷亭後起由忠毅祠抵西湖書院過西門吊
橋以達城邊一帶并長河白蓮池觀音亭金吾境湖心洋藕
墳石坊大道邊一帶并長河白蓮池觀音亭金吾境湖心洋藕
墳石坊大道邊一帶并長河白蓮池觀音亭金吾境湖心洋藕
亭止統計一項二十四畝二分五厘零又謝坪墳計圖十二
畝五分六厘零繪成大圖呈送憲覽又查原議勻捐共銀一萬
二畝四厘零繪成大圖呈送憲覽又查原議勻捐共銀一萬
六千一百六十兩今除現任按察司臺廈道并福泉漳三府
知府共未捐銀二千一百兩是原捐捐者實只銀一萬三千九
百六十兩又經核與泉二道通共公捐銀一萬四千二百兩
未完七千四百兩又准按察司移解李一昭贖銀二千兩總
共捐收銀一萬六千二百兩陸續支給運鹽司承領銀一萬
四千四百兩兩存解銀一萬零九百八十八兩七錢七分實
外繳還用剩原領銀一萬零九百八十八兩七錢七分實
十一兩九錢完解到統共存銀二萬六千六百四十九兩八錢七分

目零今據造具兩造冊呈送請飭前來合將捐助各官已未完數
批所建亭廟兩工數悉知詳銷其日另行開報可也奉督院金
仰候督部院批示繳圖案冊存查康熙四十四年十一月

鄭開極重修福州西湖記
閩會城之有西湖舊矣非獨以炎方火地藉金水以相制而

通為城池金湯之固遠為田畝灌漑之資形勝所關利賴攸
寄良非淺鮮也我國家景命方隆河嶽之懷柔咸歸流時利閭

涇塞不治或踞為城尤八郡屏藩之鎖而決決湖心一區為一
為其穴中非無事於其中風氣不宣若洩無備政之有闕莫此

舉而格于物議或將與而敗于奸謀或費于築舍之無成未
灰于畫言之數至信乎興大役捐廢費費成于算既前之規之未

之思得其人也今制府三韓金公特授公以總督之任公慨然念

易得其人也今制府三韓金公特授公以總督之任公慨然念

西湖志

卷二 水利

五

未三月遂與撫軍梅公首議修城垣濬河道開西湖自西事而

西門而達仙橋折而北至荷亭以丈計者五千八百有奇湖之西岸

東岸已為半田又鑿有堤復以貫湖至龍堤山下木植以丈計者

然傾為聖觀之場殿閣嵒嶺金碧輝映湖光萬漾山容倩麗

之望為三山名勝一郡之巨觀而萬壑增百雉之雄千頃慰三

能為也然又有難者估費萬金勞役千指公率先捐俸工無廢

邦基落成之日廣植佳蔭列戌分防既延之高僧居之役壯以

昔淳熙未復之田以愚滄湖朱文公詠之有百年地闢有奇功

登創見猶驚鶴髮翁之句予自束髮釣遊便思此地急宜修葺

登創見猶驚鶴髮翁之句予自束髮釣遊便思此地急宜修葺

獲見公今日成茲盛舉也得不得不驚異而讚嘆之乎但愧末學
後得公功為容於湖中載尊酒於堤上歌詠太平之樂載筆所
倚昇政之澤閱者次第蓋舉而予特詳其清湖一事俾來者

沈函重瀟瀟州西湖碑記
自古大臣為天子靖封疆為兆民計久遠必取一方形勢而

之美而巳也以與利香山判杭州時而垂後世非徒修山川林

好勢設蓋錢塘距浙江上游萬山之公皆賦代賢豪其所容則

有子會城下流衍不為災功德最鉅後人害不察湖堤使上

為獨勝之區有增華而無疏鑿是也則臺右侵牟養廢西北諸

憂早則一望焦土求勺水不可得晉太康中嚴太守高始開之

西湖志

卷二 水利

六

定力為修復朱子作詩可美之自元至明漸廢濬湖間趙忠

茲歲久愈於幾平陸矣嗚呼廢與之故雖曰運會豈非人事

是邦廉使范公諸公按圖悉返以復湖為已任愛豐布政使高

公按察使范公諸公按圖悉返以復湖為已任愛豐布政使高

民開闢而疏濬大工迄就始更以于甲申春正月告竣于是冬

展月夕倘徉游息余承乏有以蘇煩初抵郡而見城人河網若

千萬也然流離視食貨交集計省民間負戴之費一日不知幾

不溢也形家又謂西北之水與城南諸峯坎離相交則不鬱

有備血脈通則不靈自廣理更有不夷者是役之功難彰彰

久則其弊與復匪易往往去之而速立效若弗弗成利所在其